

BERDANUNCA
A PERJUDICA
NINGUN HENDE
NINGUN CAUSA
NI NINGUN
NACION.....



DIARIO

DI ARUBA

Bo Matutino
Netamente Arubiano



DIAHUEBS 27 NOVEMBER 1986

AÑA 6, No.1779

INFECCION GENERAL POR A CAUSA MORTO DI BETICO CROES


Centro di reactivacion na Utrecht tabata e ultimo alternativa. Speranza tabata minimo. E medico di Betico no tabata optimista. Betico tabata sufri di infeccionnan causa pa e tempo largo cu e tabata tin den coma. "Sepsis", un infeccion general dificil pa supera lo a bira e causa directo di su morto.

ORANJESTAD(AAN)—
Na momento cu el a wor-
de traslada di Maasstricht

pa Utrecht, a worde bisa
cu tabata tin un recupe-
racion leve, aunke nada

espectacular a worde pri-
minti. Realidad lo tabata,
cu e centro di cuido y

reactivacion na Utrecht,
tabata e ultimo alternati-
va. *Sigui lese pag.14*



Secretario General di MEP, Sr. Nelson Oduer, y Sr. Rudy Croes, ruman di Betico, ayeranochi a viaha pa Hulanda, na unda tramitanan ta ser haci pa trece e restonan mortal di Betico pa Aruba. Mr. Hendrik Croes y Sr. Fein Croes tabata entre e personanan cu a acudi na aeropuerto pa despedi di Señores Oduer y Croes.

CARLITO TROMP A FAYECE INESPERA

ORANJESTAD(AAN)
Ayer tabata un dia di
tristeza. Mainta a habri
cu e informe di fayeci-
mento di Betico Croes,
mientras cu pa e traha-
dornan di e Servicio
Central di Computa-
cion di Gobierno otro
noticia tristo tabata na
caminda.

Segun informacion
cu DIARIO a ricibi,
señor Carlito Tromp,
empleado di e servicio,
menciona, na cierto
momento a sinti su
curpa bira malo na
trabao.

El a dicidi di bay
cas y a duna di cono-
cer cu si e dolor no
kita e lo acudi na un
medico pa mira kico
tabata pasando.

Un rato despues su
situacion a empeora
y el a fayece.

Morto di señor
Tromp a consecuencia
di aparentemente un
problema cardiaco, a
bini como un sorpresa
amargo ayera. E tabata
tin apenas 46 aña di
edad.

DIARIO ta estende
palabranan di pesame
na su familiares.